



Paamiut, augustip 18-at 2011

Inatsisartut Suleriaasianni § 37naapertorlugu naalakkersuisunut imaattunik apeqquteqassuunga:

- 1. Kiliffaajuut amaqqullu ullumikkut nunatsinni qanoq amerlatigisut peqassutsikkut taaneqarsinnaappat?**
- 2. Nunami eqqissisimatitami Tunumi angalasut uumasooqassutsimut naasoqassutsimullu tunngasunik aammalu nunamut tunngasunik nalunaarsuuteqarlutik nalunaaruteqartarpat?**

(Kim Kielsen, Siumut)

Tunngavilersuut:

Nunatsinni uumasooqassuseq aammalu uumasooqatigiit ataqatigiinnerat paasisimasaaqarfigilluarlugulu malinnaajumallunga paaserusuppara nunatsinni nunami eqqissisimatitarsuarmi qulaani uumasut pineqartut pinngortitallu pillugu nalunaarsuutigineqarsimasut kingulliit tusarfigiumallugit apeqquteqaateqarpunga. Uummasut taakku marluusut taaneqartut oqaluttuarisaanermut pingaaruteqarluinnartuupput.

Nunat tamat akornanni pinngortitap allanngorartuunera pillugu nalunaarummi pisussaaffeqarneq aallaavigalugu paaserusuppara uumasut pineqartut malinnaavigineqarlutik peqassutsimut nalunaarsorneqarlutillu aalaakkaasumik piunersut alapernaanneqarnersut.

Nunarujussuarmi eqqissisimatitami Tunumiittumi pissutsit peqassutsimut aallaaviusut ilimanarsinnaavoq inatsisartut ukiaanerani 2011-mi ataatsimiinneranni oqaluuserineqassasut, tamannalu sioqqullugu paaserusuppara Zackenbergimi paasisaqarnerup avataatigut ataavartumik nalunaarsuisoqarlunilu misissuisoqarsimanersoq, soorlu tamanna pisussaaffiusoq.

Kissaatigaara apeqqutima ullut suliffiusut qulit qaangiutsinnagit akereerneqarsimassasut.